



Tužilaštvo - Tužiteljstvo Bosne i Hercegovine  
Тужилаштво Босне и Херцеговине

Broj: T20 0 KTA 0027255 25  
Sarajevo, 12. decembar 2025. godine

Na osnovu člana 35. stav 2. i člana 216. stav 3. Zakona o krivičnom postupku Bosne i Hercegovine, donosim,

**N A R E D B U**  
**o nesprovođenju istrage**

Postupajući po e-mail prijavi, koju je Tužilaštvo BiH zaprimilo na info adresu, sa e-mail adrese ..., kojim se prijavljuje korisnik Instagram profila ..., zbog javnog govora mržnje, prijetnji i poticanja na nasilje na nacionalnoj osnovi,

iz razloga što iz prijave i pratećih spisa očigledno proizilazi da prijavljeno djelo nije krivično djelo.

**O b r a z l o ž e n j e**

Tužilaštvo Bosne i Hercegovine je dana ... 2025. godine zaprimilo e-mail na info adresu, sa e-mail adrese ..., kojim se prijavljuje korisnik Instagram profila ..., zbog javnog govora mržnje, prijetnji i poticanja na nasilje na nacionalnoj osnovi. Iz sadržaja dostavljenog e-maila proizilazi da je komentar objavljen ispod objave Instagram stranice ..., koja objava se odnosi na incident u Zvorniku vezano za „Cvijet Srebrenice“, te da je korisnik navedenog profila koristio sljedeće riječi: „Bulo jedna balijska ima da ti dođem kući sa četničkom uniformom i sve sa četničkim obilježjima i to još sa četničkom kokardom i ima da te vratim na fabrička podešavanja i tebe i komplet tvoju balijsku...“. U prilogu predmetnog e-maila je dostavljen „screenshot“ komentara, te je pošiljac naveo da je komentar izbrisan i da želi ostati anonimn.

S tim u vezi, Tužilaštvo BiH je dana ... 2025. godine izdalo Naredbi Državnoj agenciji za istrage i zaštitu BiH (u daljem tekstu: Agencija) u cilju provjera nadovoda iz krivične prijave sa rokom postupanja od 15 dana od dana zaprimanja iste.

S obzirom na to da do ... 2025. godine Agencija nije dostavila izvještaj o postupanju po naredbi, ovo Tužilaštvo je Agenciji uputilo urgenciju, kojom se traži dostavljanje izvještaja do ...2025. godine.

Nadalje, dana ...2025. godine je zaprimljen izvještaj Agencije broj: ... od ... 2025. godine, iz kojeg izvještaja proizilazi da su policijski službenici Agencije izvršili provjere te ostvarili uvid u dostavljenu prijavu, koju je Tužilaštvo BiH zaprimilo na službenu e-mail adresu, te da zbog lošeg kvaliteta dostavljenih fotografija nisu bili u mogućnosti ostvariti uvid u spašeni „screenshot“ komentar, da pretragama na društvenoj mreži Instagram nisu mogli pronaći Instagram profil pod nazivom ..., kao i da po izvršenim dodatnim provjerama, na osnovu navoda iz zaprimljenog e-maila, nisu mogli pronaći komentar koji je predmet krivične prijave iz razloga što je isti izbrisan.

S obzirom na to da krivično djelo iz člana 145 a) stav 1. Krivičnog zakona BiH propisuje „Ko javno izaziva ili raspiruje nacionalnu, rasnu ili vjersku mržnju, razdor ili netrpeljivost među konstitutivnim narodima i ostalima, kao i drugima koji žive ili borave u Bosni i Hercegovini, kazniće se kaznom zatvora od tri mjeseca do tri godine“, u konkretnom slučaju nisu ostvarena obilježja bića krivičnog djela iz razloga što sam komentar na društvenoj mreži „Instagram“ ne predstavljaju dovoljno izraženu, jasnu ni javnu radnju kojom bi se moglo govoriti o javnom izazivaju ili raspirivanju nacionalne, rasne ili vjerske mržnje ili netrpeljivosti, a naročito što je predmetni komentar veoma brzo izbrisan, te na taj način isti nije mogao biti dostupan velikom broju korisnika društvene mreže „Instagram“, koja društvena mreža iako tehnički može biti dostupna široj javnosti, funkcioniše na principu zatvorene, odnosno ograničene mreže u okviru koje korisnici samostalno upravljaju vidljivovšću objava i komentara drugih korisnika. Također, predmetni komentar se upućuje pojedincu, a ne grupi kao konstitutivnom narodu. Naime, analizirajući odredbe krivičnog djela iz člana 145 a) stav 1. Krivičnog zakona BiH, jasno je vidljiv element javnosti, odnosno činjenica da je za postojanje ovog krivičnog djela potrebno da je ona učinjena u javnoj sferi, te da je preduzeta radnja, koja je objektivno pogodna da prouzrokuje ili intezivira nacionalnu, rasnu ili vjersku mržnju, razdor ili netrpeljivosti među konstitutivnim narodima i ostalima, kao i drugima koji žive ili borave u Bosni i Hercegovini. Stoga po ocjeni Tužilaštva sadržaj komentara prijavljenog nije objektivno pogodan da prouzrokuje navedene posljedice.

Imajući u vidu naprijed navedeno, kao i izvršenu pretragu spornog komentara koji nije pronađen, u skladu sa članom 216. stav 3. Zakona o krivičnom postupku Bosne i Hercegovine, odlučeno je da se istraga neće sprovoditi, iz razloga što iz prijave i pratećih spisa očigledno proizilazi da prijavljeno djelo nije krivično djelo.

U smislu člana 216. stav 4. Zakona o krivičnom postupku BiH o donesenoj odluci obavijestitiće se podnosilac prijave, putem oglasne ploče Tužilaštva BiH, koji ima pravo podnijeti pritužbu Uredu Glavnog tužioca u roku od 8 (osam) dana, od dana dostavljanja obavijesti.

#### **TUŽILAC**

**Tužilaštva Bosne i Hercegovine**